

هر لسانده هر نوع آثار علميه و أدبيه  
و اجتماعيه متشکراً قبول و درج  
اولونور



سنه لك آبونه بدلی هریر ایچون (۱۲) فرانقدر

ژاپون ئەمپەریال کاغدی اوزەرینه  
مطبوعتک سنه لك آبونه سی  
(۵۰) فرانقدر .

# ایجتیهاد

آدرس : ADRESSE

**IDJTIHAD**  
**Roseraie, 2, Genève.**



تلفون نومروسی : ۴۷۳۲

ژاپون کاغدی اوزەرینه مطبوع اولمایانلرک  
نسخه سی (۱) فرانقدر .



برنجی سنه

آیده بر دفعه نشر اولونور ، سربست ، مجموعه عثمانیه واسلامیه در

## فاس حکومت اسلامیه سنک انقراضی

بوکون اُک مهم مسائل سیاسیه دن بری ده فاس مسئله سی در . اشخاص منفردده اولدینی کیجی جمعیت بشریه دهده بعض خسته لق لر واردرکه انذار وخیمی پک آشکاردر . فاس حکومت اسلامیه سی بو نوع دن بر خسته لغه مبتلا ایدی ، بوکون تسلیم روح ایدیور . آلمانجه بر ضرب مثل « ایلهریله مک کیریلهمکدر » دیر . بز بو ضرب مثله شونی علاوه ایده جکر : « ایلهریله مه - مک کیریلهمکدر ، کیریلهمک ورطه هلاک دوغرو قوشماق در . » مدنیت حاضره بر سیل خروشان درکه مجراسنی آوروپا قطعه سنده آچمش در ، اوکنه کلن هر مواعی باکل شدت زیر و زیر ایدر . اهالی مسلمه بو سیلابه مدنیت مقاومت دن احتراز اتمه لی در . حیات ملیرینی آتحاق بو جریان تبعت ایله تأمین ایدمیلیرلر . فاس حکومتی - هیهات ، سویله مه یه مجبورز - همان عموم مسلمان حکومت لر کیجی . یاکنز ترقیات زمانیه قارشنی بی قید طور ماقله قالمایوب هر دورلو تجدد و ترقی نک خصم جانی ده ایدی . بو حال ایسه اسلامیتک مناهج سیاسیه سنه ، احکام قویمه سنه طبان طبانه ضددر . فقط کیمه آکلاتیرسین . مسلمانلغی ؛ عبدالعزیز ، عبدالحمید تسمیه ایدیلمک دن عبارت ظن ایدیورلر ، داها آچینی بو ظنی محافظه اتمه یی ، بو بی دل رؤسا . مکروه عقلمارنجه ، ایشارینه داها اویغون بولیورلر . اون ایکی میلیون خلق ، ۷۱۲۳۰۰ کیلو متره لک بر کشور محصول دار اوزهرنده جهالتک ، ظلمک ، حقارات اجنبیه نک آلتده مقهور و محقر بر حیات سورییورلردی

بوندن تقریباً بر بوچوق سنه اول ، فاس حاکمی عبدالعزیزک افراسندن بری « حق سلطنت سنک دکل بنم در ! ) دیهرک یر صندالیه غوغاسنه کیریشدی . فاس خلقنی ایکی فرقه یه آیردی . بو جاهل خلق : برینی بوغمایه قویولدی لر . بر قتالدر باشلادی . شو ایکی فرقه نک افراندنن ایکی کیشی یه بو مخصوصه نک سببی صورسه کز ایضاح ایده مزلر . یکی چهری زماننده آغلاردن بری بر خرستیانه راست کلیر یکی چهری زوالی آدمک غرئلاغنه صاریلیر ، « چاپوق مسلمان اول یوقسه شیمدی سنی جهنمه کونده یرم » دیر ؛ خرستیان ؛ پک انی آغام ، مسلمان اولایم فقط مسلمان اولماق ایچون نه دیلمی یم ؟ دیر . یکی چهری : « ییدیکی خلطه باق ! اونی بن بیلیرمی یم ؟ » جوابی ویریر .

ایشته فاسلیرک ومع التأسف بوتون مسلمان قارداش - لرمزک مسلمانلغی ، ظالم ، خان رؤسای حکومتک یوزندن هپ بو مرکزده در .

قوجه بر ( فاس ) ده بر تک مطبعه یوقدر ، عربجه بر غزته یوقدر ، کتابخانه یوقدر ، حاصلی اسلامیتک امر و تحیل ایتدیکی مأثر مدنیت و عرفان دن هیچ بر شی یوقدر .

اوج سنه اول سلطانک یانه کیدن بر ذات محترم کتابدن ، مطبوعات دن بحث ایتمش ، سلطان کوله رک « افندینا ! بزه کتابک ، مطبعه نک لزومی یوقدر ، بز مسلمانز ، بزم کتابمز قیلچدر ، آتدر » جوابنده بولونمش ، بولری سویله مک دن مقصد ؛ فاس حکومت اسلامیه سی اولدورن دردک نلر اولدیغنی کوسترمکدر .

بوکون

مختسب را درون خانه چه کار ؟

ایده جک لایفاحون دن اولمادیقاری ایچون اخیراً فرانسه و انگلتره آراسنده امضا اولونان بر ائتلاف نامه ایله فلس فرانسه جمهوریتک حوزة نفوذینه ادخال اولوندی . مرحوم مراکش حکومتک پای تختی اولان فلس شهرنده تسلیم و تسلیم ایچون فرانسه نک مبعوثی موسیو ( تاینانیه ) شیمدی فلس سلطانی ایله برابر بولونیور . تونس بکی نه ایدی ، نه اولدی ایسه فلس سلطانی ده اوله اولاق . اخیراً آلمانیا امپراطوری نک ( تانجا ) یه سیاحتی و اوراده « فلس بر مستقل حکومت در ، سلطان بو حکومتک رئیس مستقی در . » یولنده ایراد ایتدیکی نطق بو ائتلاف نامه نک حکمی اسقاطه کافی دکل در .

فرانسه تورکیادن بر منفعت ، بر امیاز آلوب آلمانیا یه وریر ، فقط بیلدیکی کیی مراکش کندیسنه مال ایدر . بو محقق بویه اولاجق در ؛ بوندن ماعدا آلمانیا مراکش ده کی منافع تجاریه سنی کافی السابق محافظه ایدر . آلمانیا ایچون کرک نفوسجه کرک محصولات صناعیه جه متمدیاً اخراجات ده بولونا بیلیمک مسئله سی بر مسئله حیاتیه حکمنده در . آلمانیا ده ایش ، فرانسه ده اولدیغنک عکسنه در . یعنی آلمانیا ده شئی تزیید نفوس وار . اشیای تجاریه بک فضله اولاراق وجوده کتیریلیور ؛ نفوس ایچون مهجره ، اموال تجاریه ایچون مشتری یه محتاج در . آلمانیا نک اتخاذ ایتدیکی مسلک سیاسی زور افکن بر لشکره استناد ایدر نک اشیای تجاریه سنی شرائط مساعدده ایله صانه بیلیمه و مملکتنه ثروت عظیمه صوقمایه معطوف در . بو مسلک آلمانیا ایچون بکی بر شی دکل در . ( بویوک فره ده ریک ) زمانندن بری آز جقوق تعقیب اولونمش در . ایکینجی کیوم بو مسلکک اک آتش لی

دیمک سوکمه یور . مدنیت حاضره نک ، مدنی اولمایان لره مرحمتی یوق در . قانون تکامل بر قانون بی رحم و انصاف در ، ضعیف لری ، جاهل لری ، اهلیتسز لری هلاکده محکوم ایدر . ژان ژاق روسو « قوت ، حقوق ویرمز . » دیمشدی ، اونک نقطه نظری باشقا ایدی . اوت « قوت ، حقوق ویرمز . » فقط قوت ه حقوق ویردیر مهک ده یه قوت ایله اولور . ترانسوال لی لری ، ترانسه اله ، کیتدیکلری یعنی هولاندان اورایه هجرت ایتدیکلری وقت یرلی لری بونلری مسافر پرورانه استقبال ایتمش . کندیلرینه آوج آوج آتون توزی ویرمش- لردی . بو هولاندالی لری ، بو مهماندار لر بخی قیردی لری ، کچیردی لری ؛ ترانسوال حکومتی تأسیس ایتدی لری . بونلرک قوه سلاحیه لری کندیلرینه بو حقوق استیلانی بخش ایتشدی . بو بر حق نامشروع ایدی . فقط مشروع حقوق کیی حکمران و مرعی ایدی . صوکره داهبا بویوک بر قوت ترانسوال لی لریک جبر و زور ایله اکتساب ایتمش اولدوقلری حقوق حاکمیتی آلرندن آلدی . مهکسیقانک ، آلیق ( فهران قورتهز ) طرفندن قومانداییلن مسلح ( ۷۰۰ ) نفرله تسخیری ده بویه اولمشدی . ماعون قورتهز ، حکمدار محلی نک تکمیل ماملککی آلدیقندن صوکره مسافر پرور آدمی احراق بالنار ایتدی . بو کیی اعتسافات ایلیمه متعاب لره حقوق بخش ایتک دن خالی قالمادی .

مقصد اساسی به کله م : فلسک اذعانسز و وجدانسز حکومتی مداخلات اجنبیه یی جلب ایتیمک ایچون هیچ بر تدبیر ده بولونمادی . ( ۱۸۹۴ ) ده انگلتره و فرانسه ایلک سیلله یی ، متفقاً ، فلس سلطانه ووردیلر . فقط بو مستبدلر ، اوله کوچوک شیر ایله قبول اصلاح

معارف سز ، صنایع سز بقای جمعیت ممکن دکل . بونی  
آئی بیلمه لی . بو مصائب عظیمه نك مسئولی ، بو حقیقی  
بیادیکلری حالده ینه بر شوکت پکروزه ایچون طریق  
سقیم استبداده دوام ایدن حکمداران اسلام و بو  
جباریه معین اولان ارباب دنائت در .

( زمان زمان ترقی ، جهان جهان علوم )

( اولورمی جهل ایله قابل بقای جمعیات ! )

ع . ج .



### روسیا و ژاپونیا محاربه سی

ایکی آیدن بری محاربه وقوعاتنك اَك روحلیسی روس -  
لرک لاینتقطع رجعت قهقریه سی در .  
قوروپاتکین جه ( موقدهن ) ده ، ژاپونلره صوگ  
ضربه مهلکینی اورماق بر امر قطعی ایدی :

و کم من فتی میی و یصبح آماناً  
و قد نسجت اکفانه و هو لایدری !

ژاپون اوردوسنك قوماندان عمومیی مشیر ( اوایما )  
نك پک یامان اولان مهارت عسکریه سی ، قوروپاتکینك  
امید و آمانی بر هوا ایتدی . غالبیت قطعی منتظره یرنده  
روس اوردوسنك هزیمت کلیه سی دیکلیدی .

مروجی در . آلمانیا ایچون بو مسلک یکی دکل در دیدک :  
بو بوک فرده دهریک پروسپا قرالی ایکن مصطفای ثالث ده  
تورکیانك پادشاهی ایدی . بو بوک فرده دهریقك غلبات  
متوالیه سی ایشیدن بزم منلا مصطفی ، برکون ، ( عجایب ،  
بو حریف ناصل اولیورده هیچ مغلوب اولمایاراق متصل  
غالب کلیور ؟ ) دیر . اطرافنده بولونان لردن بری همان :  
( شوکت ایم اونك اوزده ونده بر طلسم بولونوب دور بو  
طلسم بر کیمنه ده بولونورسه همیشه اعدایه غالب کلور )  
جوابی ویریر : بونك اوزده رینه سلطان مصطفی در حال  
فرده دهریق ه بر ایلاچی کونده ریر بو طلسمی ایسته تیر .  
فرده ده ربق ایلاچی نك طاب ابلهانه سنه کوله رک : ( دولو  
خزیننه ، معلم عسکر — Voller Schatz Geübtes Heer )  
دیر . شو کوچوک منقبه شایان دقت و عبرت در . بزم  
عبدالحمیدك طلسم مظفرتی ایسه بوش بیت المال ، بوش  
قفا ، ایپ دن قوشاق طاشیر سفیل و سرکردان بر  
خلق ، غایت سمیز و مرّقه لایعد جواسیس در !  
آلمانیانك مداخله سی نه اولورسه اولسون مراکش  
حکومت اسلامیه سی آرتیق استقلال و موجودیتنه  
الوداعی چکمش در . آلمانیا ایمراطوری فاس سلطان  
ایله تورکیا سلطانك اتحادی فکرنی ایله ری سوردیکی ده  
سویله یورلر . فقط تورکیا حکومتده ذره قادار  
اندیشه سلامت قالمشه آلمانیانك عرض ایتدیکي خلوصه  
قایلماماسی لازم کلیر . آلمان دوستلغنی کرید مسئله سنده  
کوردک . بو دوستلق آلمانیانك سیرجی قالماسندن  
باشقا بر شیده کوروله دی . حکومت مستقله اسلامیه  
دینیه بیله جک ( تورکیا ) ، ( افغانستان ) ، ( ایران )  
قالدی . باری بونلر مراکش فلاکتندن مستفید اولسولر ،  
درس عبرت آلسولر . جهالت ایله ، استبداد ایله ،